

周益公文集第三十四卷

平園續七十四

宋廬陵周益公必大著

墓誌銘四

曾廸功

彥圭

墓誌銘

嘉泰二年

曾氏世為吉州吉永縣人至和中拆報恩鎮置永豐縣令蓋永豐人也君諱彥圭字君玉幼端雅力學靖康後所在擾攘家藏書悉燬於盜常產亦廢父龍南尉鬱鬱不樂母黃氏又苦羸疾君奉養幹蠱兩極其至母遺言以幼子弇屬君耶為延名儒教之而君次子煥尤早成薦名禮部淳熙甲辰遇慶壽恩封君

建功即致仕紹熙庚戌煥遂擢第嘗再遇慶典君  
皆抑使勿請治家有法御下以禮待族屬孤幼曲盡  
恩意年踰七十強健如五十人性喜延客至必盡歡  
邑官里人咸知尊敬鄉鄰爭聞或滯訟得君言脫然  
而悟人有逋負開為代償蓋其心主於慈惠故留意  
秦鉞人倉公及張仲景之書有以疾診謁誠貧則加  
膽給馬踵門日數十輩未嘗憚煩每歎曰陰德猶耳  
鳴自聞而已一日微恙應酬如常詰朝忽命具湯沐  
乙夜湛然而逝嘉泰元年正月乙卯也享年七十八  
娶王氏封儒人四男長澧次渙從政即隆與府豐城  
縣令文而能官次清次瀚女適進士熊汝能孫男十  
二人公植公敏公振公遜公俊公衡公壽公應公遇  
公孚公從公衍女八人適進士張元良熊唯張萬選  
餘在室曾孫二男一女是歲十月丙午葬隆雲鄉龍  
來之原也煥以大府王卿瀟狀來請命予每歎近世  
大夫家譜罕傳上士焉不能舉其族下或降在皂隸  
不知懼獨曾氏此書粲然何考自唐末遠祖慶生偉  
偉生輝三世為廉平吏階勲憲御俱高四世崇範事  
南唐嗣主於東宮其沒也蔭子延修為步驛吏隨後  
主入朝改左班殿直於君為八世祖子先以儒學奮

身顓登第李氏時本朝淳化咸平中曰顓曰顏曰頌  
相繼登科一傳為純為有鄰者皆舉進士再傳陽慶  
曆二年登科後四年弟匪繼之百荷復以五經薦名  
即君祖也又一世正矩太學內舍生鉞以上高縣主  
簿舉八行其季諱旣君曾祖也曰度正和二年中第  
終奉議即民瞻宣和三年中第終南昌尉而諱安民  
者君祖也至和六年度之子彥明復登第終從政郎  
廣東轉運也司幹辦公事而諱彭年尉龍南者是生  
四子君其季也予既擬大略書之且為銘曰

譜牒之湮 志忘勸君 瞻言曾氏

世美相承 君有隱德 又將勅與

銘昭予昧 式敷云仍

朝奉郎袁州孫史君

逢辰

墓誌銘

嘉泰二年

吉統八邑龍泉號山水縣故多名人孫氏又其名家  
也初諱文者仁厚有家法諸子皆力學曰元量擢大  
觀三年進士第終賀州教授曰叔通從顓上李朴先  
之學 徽宗朝貢京師投匭論星變請開黨禁忤蔡  
京斥歸郡庠自訟齋正和二年登第終清海軍節度  
推官叔遇個倘喜周急博通群書不樂王氏學曰與  
黃元銘徐德饒歌詩唱酬後贈承務郎生宜再舉禮

部早世累贈奉直大夫娶羅氏封大令人三子昇立  
見謂三傑長吏部侍郎逢吉號賢侍從次逢年筆力  
高士止南安軍上猶令史其季也諱逢辰字會之豐  
俗秀發人推遠器年十八鄉舉人首薦登乾道二年  
進士第以左廸功郎尉潭之衡山邑宰趙汝誼連帥  
沈介皆通明嚴重遇盤錯輒屬君辛卯歲儉湘陰為  
最師陳彌作檄君行縣事職姦振荒逋四歸特循兩  
資君丐恩封母太孺人別用舉主升從事即移贛州  
贛縣丞歷事三守監司六七人皆咨其清稱其文倚  
其能劇邑幕屬闕爭委揖承議事制刑率歸恕淳熙  
二年茶寇轉剽江西君請精擇王軍叅以贛卒柳桂  
弓手別募敢死軍分委偏將咸扼賊要衝或馳逐山  
谷聞而命荆鄂之師養威特重重賊憊於後師不能  
用已而上命辛弃疾綉衣持斧乘傳來竟如君策師  
旅方與屬君調軍食君持金弊即所至易米於民省  
饋運十七八漕李燾錢佃以名聞 詔任滿赴堂審  
察守施元文向授君狀君遜同僚之重成者元之大  
喜上章論薦又 詔中書籍記終更改宣教即審察  
時添差簽書秀州君事判君廳公事乞便親江軍死  
因詳覆君察可閔請奏猷一月中全活者三街吏告

行有死人馳視之餘息尚存療治稍蘇始知夜行吏奪其弊而害之捕治伏辜其明察類此兵鈐益禁軍與力役以媚守帥許援親兵及水軍例增食錢吏摘牒尾如熟事請君書押君執不可守帑曰比例也君曰親兵乃岳飛舊人有糧無故故乘除如此水軍則以隆祐大後避地於茲驟間擄至賴其力得上贛特許優給自是闕者勿補今僅存二十輩耳若無故創支禁卒歲十萬緡力固不足且非州家所可壇也守不能奪兵官嗾諸卒訴庭下君除以理曉之拜謝而去吉贛舊各置船塲須油麻枋木民病科拆君言於漕裁減萬記鄉邦解試士踰萬人考官止七員君請用福州例增二人苟利公家率勇為之七年江西再旱九江尤甚君將代諸司請留振意君籍下戶及商販技術與無以自營者為三等計戶口給曆十戶一甲甲給一牌五日輪一戶齎錢牌塲市粟周而復始置安養院處老弱孤獨給以錢米負郭選邑佐鄉村擇土官分董之事有未安不憚立改文書紛至手披人口占略無凝滯凡用米捌萬餘石它郡取撥亦稱是又勸上戶平價以補不足起正月盡六月訖無流殍監司乞優賞君固辭是時予遷吏部尚書兼翰林

學士承旨即奏君自代磨勘轉一奏議即九月五月入提轄行在權貨務都茶場將士用也賞轉承議即以大令人年高求知澧州命下丁內難叅知政事肖正肅公燧嘗薦君守邊中書舍人崔與詩復以職事官薦服除選知袁州未上轉奉即十五年正月二十三日以疾卒於家享年四十七明年十二月乙酉葬本縣南鄉瓜陂之原妻安人李氏同邑椿之女前卒子男三人鎰早亡鑰今為從事即靖州軍事判官與其季鉉俱能其家女適進士康晉之孫男四人君資性高明博觀載籍善為文辭待交游誠信輕財重義遇歲歉出粟為之唱常慕范文正公置議莊贍宗族買田北鄉以歲入給貧者伏臘吉凶費市藥療病買棺送死衣寒食飢傍及鄉黨君既沒二子繼其志且存規約君幼師李栖梧司法李沒子瞽女未有歸極力濟之縣東三里視子陂久癢君損金殷募民修服遵水數百丈溉田不貨今號孫公陂平君處事有條理喜論大利害暖古證今如指諸掌律身庶謹在官兼職難衆却其添給士大夫多以切業期君君頗自許也使天假之年推愛人利物之心豈止復一陂仁一鄉而已平生著述有養晦類藁三十卷予又與君

兄弟游鑰以文林郎全州清湘令李狀來請銘為之  
銘曰

孫氏三龍 季為邦君 才氣之高

謂陵青雲 府墓王官 以明濟勤

仁蘇野浮 惠州鄉枌 郡賢文薦

竹符僅分 未刁干方 遠贍丘墳

宜壽而否 胡戾前聞 流慶來裔

尚考斯文

承直郎知東安縣趙君 彥悟 墓誌銘 嘉泰二年

魏悼王七世孫曰彥俊後名彥悟字才鄉曾祖叔曉  
左侍禁祖挺之訓武即父公籲秉義即任子告蒙馬  
君清芥有守刻意經史未嘗詭隨苟合惟擇賢者與  
之游詩文日進紹興二十九年預漕薦三十二年

覃思以君廸功即主永州和陽簿同僚服其廉勤外  
艱去官奉母撫諸弟日益讀書服闋調南豐尉乾道  
七年鎖廳奏名待補左儒林郎廬陵宗墓之自是多  
中茅禾者注臨江軍判官屬邑新淦號難治常賦大  
虧滯訟滿庭守檄君攝事以辦治聞循承直郎安慶  
軍節掌書記守貳替移樂掌行州事政號明敏繼揖  
倅監大址試勉勵考官精覈文卷明年過省者二人



舒人美之前執政李公彥頴薦以京削秩滿得提點  
鑄錢司檢踏官局曲江以母憂去免喪知東安縣零  
陵郡連旱公私赤立君禁戢吏姦勸課農桑民譽翕  
然兩賜或愆祈禱立應邑境大熟先是二稅盡歸州  
家用度匱之君請從民便諸司從之縣如有餘裕而  
君積勤致疾嘉泰元年八月己丑沐浴而逝享年六  
十五家素請貧至貸錢買棺而歸二年九月庚申葬  
廬陵縣儒林鄉龍陂之原先娶朝請大夫知道州歐  
陽庠女既沒予堂兄朝請即知袁州必達喜君嗜學  
潔已以女歸之復早世又娶朝請大夫知連州肖祖  
祐之孫一子憲夫業進士二女適鄭份胡允廸孫時

簡時堆銘曰

自重者好修安分者寡求彼寒畯猶克歎此公族  
乃謙優倚才猶之表表帳時命之悠悠尚垂俗於  
後人永固安於斯丘

武德郎主管 觀趙君 伯璟 墓誌銘 嘉泰二年十月

嘉泰壬戌八月己丑藝祖皇帝七世孫武德郎伯璟  
卒卜以十一月庚申葬水縣中鵠鄉洞巖之原其室  
儒人王氏前三十年歲在辛卯亦以八月辛亥卒權  
窆陵家塘至是就葬武德墓南二十步孝子容州北

流縣令師撫南雄司州法參軍師復南安軍大庾縣尉司檣號泣請銘鄉人皆言武德善人長者予又與其二弟及其外舅知肇慶府王衣子裳有契義不可辭君初名伯松改今名字堅老贈少師馮翊侯世覃之曾孫贈永興軍節度使東牟侯令賽之孫武翼大夫真州兵馬鈐轄子某光宗庶諱之子君四歲喪母毛氏六歲喪父紹興十二年門蔭承節度歷監衢州江山縣及富沙稅兩監潭州南嶽廟乾道元年添監吉州苗米倉不贅務遂家焉既滿注衡祠者六升朝改主管台州崇道觀者五磨勘及及恩十二轉而終君早罹夏患力學自植立族叔高州遂溪令子淇卒官君宗人瘴鄉奉五喪携孤幼以歸既事竭俸入擇師友教子弟長弟承直即監兩浙轉運司造船場伯瞻登戊戌進士科次迪功即衡州司法參軍伯楷累上南宮三子並技漕解 覃恩日官君天性儉約而樂周急凡宦族留落既民流徙及閭里疫疠人莫敢視君每傾身濟之棲志雲水日延道民始終無倦其疾也師撫自廣西星馳歸省病棘勉以孝友忠勤神色不亂沐浴而遊享年六十七五子人二早世四女適州學諭戴作肅鄉貢進士劉年職次許劉徹一尚幼孫

男未名二女長適進士胡天麟次幼銘曰  
士趣囂然 家庭肅然 其逝飄然  
其處超然 三子峴然 餘慶昭然  
墓槨翹然 過者怙然

歐陽伯威墓誌銘 嘉泰二年

嘉泰壬戌六月甲午廬陵歐陽伯威以疾不起其妻  
金氏先葬城西能仁寺之西原山下十二月乙酉即  
墓左穿穴附焉其友曹生交顯致伯威遺言以狀請  
銘以狀請銘予曰生文美矣抑伯威吾能言之是真  
氣節有文章安分義人也少與予同應舉伯威學廣  
才贍銳欲拔蝥狐而洗登已乃連戰不利士悼其屈  
家故官族愛母弟鐸恣其費用弗問遂窘伏臘聚徒  
為仰事俯育計名卿大夫家爭延訓子弟時官聞名  
皆來禮請其間賢否不同恂物必招謗絕物或賈怨  
君皎皎其躬溫溫其容束修外毫髮無預物莫能免  
人自親愛善論古今間以恢諧尤工詩騷函泳鍛鍊  
啟前人之關鍵大篇短章隨意所之待制楊公萬里  
序其脞詞曰烏啼花落欣然會心處酌大白嚙伯威  
詩欲馭風騎氣也至手抄警句誦之瀘溪王敷文庭  
珪西溪劉孝廉承弼揚愿皆教官詩豪或以孟襄陽

賈長江北君他文率過人嘗著遇絕詞蜂螿蜘蛛賦  
胡忠簡公極口稱獎一時公名推重如此宵次洞達  
遇人無可畦逢酒輒飲當酣適時咳唾成珠璣歌呼  
溥霄漢不知世之隘身之窮也予在政府數欲官之  
君謝曰使予數口無飢足矣為事虛名逮予來歸而  
君視瞻茫洋不復教學輩瓢怡然時時相過道舊以  
目青踈趨生親玉友步趨赤躡跚獨豪氣如初予每  
憐之問其卧疾數遣醫往視已殆猶策杖訪曹生索  
酒賦詩云舊遊應好在誰念此生浮蓋絕筆也平生  
篇什脍詞外分五編號漫成遣與墓景自娛松筠別  
有雜著五卷見聞錄六卷伯威諱鉄自號富庵世為  
郡人高祖登以其子澶州通判絜遇恩贈奉議郎曾  
祖采用累舉守本州助教祖元發雖不仕而弟將作  
監承恂靖康間以忠義著父宣教即光字彥美擢紹  
興壬戌進士弟成辰歲卒官廣西伯威侍母何氏携  
諸友護柩數千里返葬永和鎮畢二弟三妹嫁娶人  
以為難三子研研疋業儒二女早世孫四人簡輅籥  
箎予與伯威及葛德愿深皆生於丙午比歲宴集唱  
酬歡甚有繪為三老圖者前年哭德愿銘其藏金復  
銘君何悲如之銘曰

嗟乎伯威少墓大白才不羈而行不虧中遊飯顆  
午不炊而樂不飢晚隣文昌醫不治平而筆不衰  
賢哉若人衆所推今其已矣誰弗思後有式墓後  
徒悲尚醑以酒吊以詩

柳州張史君鋼墓誌銘 嘉泰三年

新柳州張史君卒兵部章侍郎頴記大書伐閱其子  
復請銘閱之幽予常授柳宗元記先友六十人叙所  
長有史法而以袁高為守謂能使吾所居官大其該  
涉廣矣今君初以廸功郎主荆門軍長林簿垂赴丁  
母憂服除歷靜江府司戶廣州右司理叅軍常德府

教授堂差知靜州永平縣郊恩賜緋魚通判福州兼  
西外宗正丞晚擢貳千石期以循良自見乃弗及上  
識者有用未盡材之歎是宜特書始君仕桂林師范  
文穆公文章政事高一世待以上客靈州有殺人獄  
歲久尸壞不承君指顧髻下重傷一問伏辜闔府神  
之五羊王氏葉氏皆富盛王氏婢死師疑主人害之  
葉氏僕幕夜隨人入城閣者求金不獲自毀關鑰誣  
之君力辦其非帥初怒終察提刑王晔按獄多所詰  
問吏戰粟不能對君出幕後悉為條陳由此諸司舉  
其材陸從政郎常德校官久不振君教導課試有方

生員日集廩米不繼助以圭租又請間田於府儲歲入葺棟於新釋奠儀正胸坐之位城北有秦渠唐刺史胡處立所開溉田千餘頃廢於崇寧間士子皆曰此邦秀水在是不可涇也君曰常平使者薛伯宣由梁山下道水二百里附城為陂愜隨旱澇節其啟閉而命武陵縣改嵩董正役既成自為之記士民胥悅臺府交薦改宣教即淳熙十五年也永平雜蠻僭日夜相讐殺漢法不能治君不鄙夷其民威愛兼用江湍險創浮梁以濟俗病屠牛祭鬼君教以醫藥將代邑人及蠻酋楊正道相率借晉師章森監司張孝曾郡守姚榘陸耘老俱以循吏薦時宰葛文定公將寘之朝君狀福倖而去帥多待從或前宰執君悉心協贊疑事必爭遂信於樞密鄭公僑學有腴田甲旣佃矣乙挾漕勢攘取君執不可富人高氏所養子十年不歸別命繼矣前子問高病始來未三月高死反訴立繼不當漕符州右其說州追復避匿君謂久去驟來又舍喪次子道已絕復執不可宗司素窘用君裁冗蠹裕公帑惠及宗子人人自重知宗趙伯邊餽當得俸二百萬君力辭凡仕閩者供百張須刻數增寺君一無所取提刑趙不予常平林思齊復以名聞所

至能大其官如此即所以試推所未試蓋可知已慶  
元四年三省類薦續進宜守郴人對言 陛下臨御  
五年因循之弊未革薦舉不及廉靜藏最多出經營  
文体未純士風未篤詔書寬大而州縣侵漁名曰和  
糴而人曰科歛諸軍老弱載艦蠱弊添差及宮祠泛  
濫以一福州言之數倍 高宗朝宜為限制以寬民  
力 上甚嘉納積官朝奉大夫遲次於鄉日與親賓  
享山水園林之樂藏書踰萬卷平居事賢友仁尤為  
范文穆公所知嘉泰元年三月卧疾夢入官府有金  
紫坐堂上視之范公也傍一吏持文書請君書君難  
之寤而歎曰范公六十八而薨我年今與之同非吉  
兆也稍愈即求納祿七月丙寅竟卒君諱鋼字德堅  
一字紹祖娶龍氏左儒林郎知處州會昌縣溥之姪  
先二十九年卒贈宜人三子曰潞迪功郎融州司戶  
兼錄叅曰淵用致仕息補將侍郎曰次淵早世二女  
適顏元質王機餘大孫男二人未名女二人惟張氏  
遠有世緒君九世祖家青州任吉州永新縣鎮將遂  
為縣人曾伯英娶左氏性曠達喻嶺游海上諸山冀  
有所遇死於古藤祖志以孤童步挈父喪歸葬鄉人  
嗟異累贈訓請即妣龍氏贈安人父成將仕即樂施

周急梁澁麓險往來得之贈朝請郎妣周氏贈宜人  
君事父母誠敬待內外族姻情文兩至無間言者少  
勤問學四魁漕舉登辛丑進士科愛其弟沆江巡檢  
鎡承直卽鐸鎡亡教育其孤使有成立與鐸以文藝  
相切磋故其二子習熟言潞拔漕臺上庠解淵亦補  
大學生號稱儒家君嘗編類 皇朝列聖孝治自  
帝后逮 臣民傍及蕃侯蠻夷總一百卷表上之平生  
者述號橫江叢集七十卷藏於家二年十二月甲申  
葬本縣思鄉賢遺直里中村之原銘曰

志韞在中 才襮於外 方其卷藏

能否可蓋 目官立事 所居乃大

倚歟柳州 士之藹藹 兩椽方鎮

疑決嗜蔡 儒宮縣道 與利除害

升佐閩藩 帥守收賴 緒餘則然

其施未艾 孰云專城 旂弗及茂

歸安斯立 懷哉永嘅



周益公文集第三十五卷

平園續七十五

宋廬陵周益公必大著

墓誌銘五

墓表附

迪功郎致仕晁子與

墓誌銘 嘉泰三年

晁氏自漢御史大夫錯以身殉國閱千餘年 宋興  
 而翰林文元公諱迥叅政文莊公諱宗慤父子以文  
 章德業被遇 真宗仁宗繼掌內外制賜第京師昭  
 德坊子孫蕃衍分東西眷散處汴鄭澶濟間皆以昭  
 德為稱蓋宗生仲仲生端端生之之生公公生子子  
 生伯伯生世奕業蟬聯文獻相承舉天下無它晁鳴

呼盛哉君生於鄭諱子與字點仲曾祖端彥終朝義  
大夫禮書監贈特進祖詠之第進士中詞科坐黨籍  
終朝請即贈大中大夫有崇福集行於世父公邁右  
朝散即提舉廣東常平茶鹽與其弟公昂公逸俱世  
其家常二郡盱江遂居撫州是生四子君其仲也夷  
雅重靜通練故世事親先意承志曲盡子職伯季死  
君力教叔弟子誰之子伯談以經術取高第君之子  
百裕亦早上南省紹熙中慶壽 慈福宮年八十賜  
爵迪功郎

拜日恩已即卷衣冠藏之自號谷清居士友賢積善  
委遠聲利得導引之術與親樂飲晝夜不倦每道改  
家遺俗四坐傾聽耳目聰明筆禮精楷先六年書遺  
訓甚悉至是微恙猶會客書偈頌一首而逝實嘉泰  
元年十二月乙未壽八十有八故妻贛川陳氏微猷  
直學士邦光女生男百谷也女適朱紹侃今亡矣孫  
男世南女適何居厚曾孫女一人二年閏十二月丙  
午百谷奉君柩葬臨川長安鄉長岡金魚塘之原百  
談方自畿宰選縣為六院以予識君踰一甲子而堂  
兄袁州史君必達先娶君媚遠來請銘惟文元公樂  
易純固服道履正年八十四被疾絕人事屏醫藥盛

服而終。今君人爵雖卑而性行悼有祖風。壽稍過之。是可書也。銘曰：

箕箒錫福貴不與焉。人有差等固難胥然。若乃恭儉惟德無載偽存心養性以事天。翩不富而足用。身康寧兮永年終如君亦鮮矣。庶幾五者得其全乎。

歐陽元昇墓誌銘 嘉泰三年

嘉泰三年三月癸酉故人歐陽彞字元昇以疾終於家。其孤撥袖鄉貢進士。肯常狀來請名。惟吉州廬陵縣永和鎮歐陽氏世名儒家。君曾祖絜朝散郎通判澶州。祖景父襄皆有文行。父嘗貢京師。生四子。弁、夔、弁與君。學聞文採人推四傑。君尤雋敏。年十三試郡庠。下筆衮衮不能休。咸成科第。可立取已。乃數竒銳。欲投筆會隆興。甲申從舅胡忠簡公以兵部侍郎措置海道。君走江陰。盡禦戎要策。忠簡竒之。遣深入覘虜。得其要領而還。規畫日有諸幕府。當奏公而忠簡罷。君歸築室滄江上。地不踰畝。書房潔雅。左右置史前。植花木有清幽之致。有又闢粟庵。日與進講學。文筆素豪。至是機杼愈新。尤喜為詩。悲歡登覽感今懷古。一見於賦詠。客至觴酌從容。生計有無弗問也。自

周益公文集 年譜終章三十五 五十一  
以世著節義仕官不絕彙次家譜哀公所作碑誌聚  
為大編既以勉已亦詔後人其志豈淺哉然念三世  
暨諸兄率不及下壽乃絕意外慕安於閑適故得年  
六十有九平生著述總六十卷別有憤世疾邪書卷  
卷娶同郡肖氏德慶府司法紹祖之女前九年沒葬  
南山烏墨塘之原揆以今年九月乙酉奉君匱合葬  
焉揆力學文屢上南宮三女長適貢士黎法前死次  
適進士袁佐侯茲孫男三人士鳳士麟士豹女三人  
予早與君兄弟定交晚歲歸里喜君獨在而相望二  
十里游縱不數今銘其藏慨嘆何已銘曰

學而擾

科弗收

邊可籌

機不投

命悠悠

心休休

實既浮

年乃修

子拔尤

紹箕裘

銘闡幽

安斯丘

朝請即致仕劉君

大成

墓誌銘

嘉泰三年

嘉泰二年四月二十五日朝請即致仕劉君卒二子  
朝議大主管華州雲臺觀崇之仕即立之以奉議  
郎新通判歸州事

狀來請銘君諱大成仲吉其先京兆萬年人  
九世祖翺

唐末為建陽尉直中原亂占籍縣之麻沙鎮子孫登

儒科者相望曾祖植妣葛氏祖祐妣江氏吳氏父南  
夫妣虞氏力學積善儲止後人父預賓而沒君天資  
爽邁入小學賦詩書有警句已不利傷屋閉門教子  
淳熙乙未崇之登第君言方強仕喜曰有子成吾志  
尚何求養就長樂父畝吳京晚歷京湘日賞湖山之  
勝間歸鄉閭稍築園圃與客觴酌吟詠休休如也父  
母既亡一兄復早世教育孤姪不拆爨者三十年周  
恤親舊凡叩門求濟不以緩急赴之接物謙敬尤獎  
借後進有過亦規切之性嗜書手不釋卷前輩文集  
晝夜編纂或質疑義應荅如嚮襟度曠達輕財重義  
里中推為長者九被恩封自承事階極於員外享  
年七十有二初娶劔浦宰呂希說之女贈安人再娶  
同郡彭氏封宜人先六年卒二子一女劔浦之孫昭  
祖其婿也孫男二封人綸純孫女三人君平生喜著  
述詩文夷雅似其為人積至數十卷明年十一月二  
十日葬陳家岡與彭宜人同域治命也昔壬寅歲梁  
文靖公再相首薦崇之召對人物倜儻議論慷慨孝  
宗器之自勅令所刪定官連三遷遂佐著廷會德  
壽宮上仙北虜未致奠使副外別選名士為讀祭文  
官未幾元顏雍殂朝廷一視其禮特詔崇之假右史

往讀祭文措紳宜之揚子曰無是父無是子何待識君可以知其美矣銘曰

維德之宮 維吉之逢 八帙既開

九命褒封 有子方昌 追爵其重

尚碑螭龜 增賚楸松

宗室崇道武經公育墓誌銘 嘉泰三年

嘉泰三年癸亥七月丙子宗室武經即主簿台州崇道觀公育字浩養善寢疾卒將葬其孤以予識君數十年請為之銘按魏悼王第五子諱德鈞善書翰好為篇什贈河州觀察使安鄉侯生第六子曰承裔幼

聰敏 真宗召入禁中親授以書能應詔賦詩終棣州防禦使贈昭化軍節度使祁國公生第三子諱克友 仁宗嘉祐中御書克友忠孝四大字又飛帛龍鳳二字於團扇手解 御服雙鳳帶賜之終贈華州觀察使華陰侯即君贈祖也華陰之子叔聚元豐中以右千牛衛將軍試文入高等神宗嘉獎加大將軍遷至和州防禦使著策數萬言陳治安大略卒贈徐州觀察使彭城侯累贈感德軍節度使君祖也予嘗為史官參考累朝正史知文獻相承諸王宮蓋鮮其比靖康中君之父守之為吉筠袁州臨軍江廵檢馬

通鋪時先父大太師秦國公倅吉行州事遣師勤  
王選充先鋒將及淮聞虜去而還大父以恪謹薦於  
朝其後隆祐太后避狄如贛吉守楊淵募兵從衛  
檄守之暫揖州事今二牒皆在終武節即贈武義大  
夫君開爽而謹飭幼夢游佛國故酷信釋氏至捐貲  
創精舍寶安山紹興十四年以父任補承信即三遇  
覃恩及勞累年轉今官歷任十有五至監吉之在城  
稅永和鎮酒稅江西湖廣撫司準備將領普員外置  
五監潭州南嶽廟四奉台祠中間惟吉之造舡場贛  
州都作院整務其恬於進取蓋出天性事親尤孝敬  
遺命從葬親側十目丙午歸窆其地在廬陵縣美化  
方趙家塘之原享年六十八先娶歐陽氏伯虎字炳  
文長子國才之女附郭舊無園圃炳文獨好事頗識  
前輩即城西植松檜花竹飲客賦詩君以是及與名  
勝游再娶張氏宣教即簽書桂陽軍判官厅公事安  
孫之女俱贈安人七男彥任承信即監南嶽廟彥偁  
成忠即監德慶府在城稅彥徹承節即亦監嶽廟前  
卒伉再與漕薦當受遺澤餘天三女長適潮州通判  
嚴康元之子植次適彭希孟一未行孫男九人冽夫  
得夫直夫滌夫澥夫云夫餘未名女五人長適劉鉄

次許嫁劉溶餘在室曾孫女一人銘曰

世襲文儒 天族之盛 時方宗強

君獨難進 無怨無斃 不貪不競

貽爾子孫 尚篤其慶

澹庵李君墓誌銘

嘉泰三年

嘉泰癸亥秋邵武軍光澤縣進士李閎祖袖書過予  
繼示其父隱君澹軒集十五卷朱待制熹元晦手書  
一大略及鄉先生太常伯黃簡肅公之子衡守翰所  
述墓文來求銘章予讀君之之文大抵有補名教且  
知為元晦益友又衡州父子盛稱其賢是可名矣按  
李氏自唐末居光澤君諱呂字濱老一字東老高祖  
大理評事鐸能詩教子始為著姓曾祖大常博士贈  
朝請大夫誥陳忠肅公稱有古人風祖濬不仕大常  
李卿夔實銘之父純德有學行時奏名不及試元晦  
誌其墓云利不自予惟義之取其源遠矣君幼莊有  
重記誦過人十四喪父能自力學於從叔山先生郁  
蓋元祐黨籍諱深之子紹興初特起者也年四十即  
棄科舉讀易六十四卦皆為義說觀史傳百家之書  
尤留意資治通鑑手至數四凡與衰得失論著數百  
篇事母上官氏極其孝敬教育弟妹使有成立聚族



千指昕夕繫集衆致禮饗食

堂前後序揖至少至尤不以寒暑廢或勸以休君曰  
身率猶怠矧自怠乎為會宗法歲時設遠祖位合族  
薦餼聚拜飲福秩然其可觀也平時容止詳雅居無  
隋容學務躬行深惡口耳之習既切切訓其子孫又  
以是善誘後人尤不喜言貨物財苟可用物利人則  
勇為之邑宰張訴以春夏季糴立社倉平其價下戶  
俗不舉子議給策助養育行旅有病創屋療治條盡  
精明槩括纖密多自君出元悔作記歎其負經史宗  
物之才老而不遇也予觀易首乾卦而以元亨利貞  
為四德文言曰利物足以和義蓋和於義乃得其義  
可以利物也禮記大學亦謂國不以利為利以義為  
利小人反是然則合義利而用之斯不易之理獨孟  
子告梁惠王曰亦有仁義而已矣何必曰利截然判  
而為二蓋戰國之君知以利為利不知以義為利所  
謂易經大學被惡能知辭而闕之時不同耳若君者  
其善學大易大學孟子者歟慶元四年六月壬辰以  
疾不終享年七十七六年六月乙酉葬所居之烏程  
縣先娶高氏郡人挺之女再娶黃氏御史臺主簿章  
之女簡肅公猶子六男紹祖懷祖闕祖相祖襲祖壯

祖五女適文林郎馮進森士鄧潭饒淵上官嘉會從  
事郎吳炎孫男七人宣子方子文子容敏學敏行夢  
錫女七人曾孫男女八人文子登紹熙五年進士第  
今為建昌軍新城尉銘曰

以義為利 君子悠然 以利為利

彼哉小人 戒嘉李君 隆師親友

允蹈經訓 知之非苟 家範照然

守之勿讓 奕世其昌 視此銘言

循吏石大夫益問墓誌銘 嘉泰三年

古者諸侯世守其國故孔門高第學道愛人見於宰  
邑自罷侯置守兩漢循吏二千石為多邑長間有聞  
焉 國家養民以仁尤注意郡縣而為冷者往往急  
催科緩撫字或用智術籠民以冀辦治守亦用是殿  
最屬邑一遇水旱振恤具文而已豈無循良恨予聞  
見不廣若乃耳熟而心服者石君也初為鄞縣首白  
郡請寬賦歛退與民為期會寬而信簡而每惠州給  
稅簿不以時至至則主簿拱手信吏之科重疊君即  
縣厅創付簿鈔至昕夕躬為銷注臺府謂迂不及事  
宜將累戒議易它曹父老歎曰吾得賢令而上司不  
察必釋健決者來民其無如矣相率租稅於省限之

前送使留州視舊反羸舊例三歲推排物力則鄉郭  
戶畢集官為度地立屋以處之又大比取士環貢院  
為廬舍待赴試之事用一徵十不勝其擾君示以間  
架任民自為事聽徹去吏弟行文書不得措手東錢  
湖當開付之食利戶郡庠講堂壞分委子弟在學之  
家誠意既孚爭勸成之此治縣之政也上饒歲大侵  
舊負上司錢及諸縣未輸常賦通十三萬緡君置不  
問明計六邑訴早毋敢不實倚郭十三鄉惟靈山石  
人二鄉灌溉有秋自無一詞君力請於朝蠲秋苗十  
七八亩二三備州用盡潑常平倉其勸分不以貲產  
先察畜米多寡諭教故倚郭得米二十餘萬斛它邑  
各以萬計境內置田環場四十七所各給本錢且糴  
且糴循環無窮擇土官信實者主之凡下戶行旅所  
至持錢得米無贅聚遠求之患別之益商得米四萬  
置三場城中郡當孔道將迎饋送一切謝絕時以家  
蔬待所委官議者謂採荒之善前所未有此治郡之  
政也使達而理於朝廷之上四方之遠何事不濟  
豈止一郡邑受惠乎今君季子宗萬以江陰守王  
狀來請銘故詳叙所聞是弟其官闕於後君諱益閭  
字叔訪紹興府新昌縣人其先本姬姓衛康叔之後

有靖伯食采於石因以為氏自大夫昔著名春秋至  
萬石君遂顯於漢本朝祕書丞通判保州諱待舉萬  
石四十世孫於君為高祖雲翼君亂扞禦死之安定  
胡先生為之銘曾祖左朝散即贈金紫光祿大夫諱  
愆之祖左朝奉大夫尚書祠部郎中贈朝請大夫諱  
景述考諱公撥紹興七年歷察官殿遷侍御史八年  
樞密使秦檜再相君連上訴疏論其失以左宣教郎  
除直龍圖閣知撫州數月落職罷送隣郡取勘通被  
疾卧家幾年而卒君方十四歲奉母令人李氏屏居  
山寺若學工文詞不敢出應科舉秦薨上書訟寃  
詔復職與恩澤補將仕郎銓試為首循脩職即監秀  
州華亭縣造舡塲尋充湖廣江西京西總領所幹辦  
公事丁令人憂服除監淮西江東總領所大將庫金  
陵權要所聚日事宴飲未嘗營職君獨整比簿書出  
納必按公牒乃行同列或竊笑會新總領閱實局務  
官吏多獲譴惟軍掌大軍錢眷銀抄無毫釐差前後  
箭鏃山積君欲稽其數吏謝不能君先為廢屋一楹  
收數儲之遂以為率而得其實秩滿用舉止改宣教  
郎治鄞為浙東諸邑最守臣岳甫以聞有 詔田堂  
審入幹辦諸司料院淳熙十五年春也鈞校百司廩

給參驗京師豐約聚為一書所居官不苟類此明年  
冬遷軍器主簿紹熙元年冬轉為丞二年輪對論兩  
淮今日根本之地權場互市洩違禁之物營田官莊  
為豪民所占遺財遺利官兩失之乞如 國初擇人  
久任又請因赦搜訪不求聞達之人 上皆嘉納三  
年春進丞大府益鈔鉅萬異時吏或代書君弗懈益  
勤繼燠釜狎迄今不瘳戶部繩寺吏非其罪公辨數  
弗從請公而去以四年春視事荒政既修特命增秩  
仍以司封郎召召併下回環場之法於諸路君壑求  
均逸主管武夷山冲右觀而增其秩慶元二年知撫  
州再請冲佑許之會長子宗昭自密院檢詳除漕淮  
東侍君以行四年二月二日卒於義真先君歲以穀  
百斛給宗族之貧者疾革申言之夜召家人訣別索  
衣欲辭家廟寢明啟手足享年七十四官至朝請大  
夫五年十月十一日葬會稽縣小江昭福之原妻同  
郡諸葛氏封宜人二子宗昭朝散大夫入直萃文閣  
端亮文雅用不究其才次宗萬也君卒而為從政郎  
廣東經畧司主管機宜文字今日大庾宰赴審官孫  
男九人孝則婺州浦江孝順徽州歙縣孝時婺州永  
康縣並簿孝溥以入建昌軍司戶參軍登慶元己未

進士第今俱廸功卽孝隆孝修並將仕卽孝裕孝祿  
孝廣尚幼女三人未行惟右氏遠有石世欽儒科不  
絕君伯父公弼在 徽州時光顯於朝著譜牒歷歷  
可孝君雖從蔭門在上禮部所著詩文數十篇藏於  
家其為人溫恭篤實侍親舊有思意臨事則毅然自  
守人服其正將死不亂所養可知矣銘曰

學優而仕 澤施於人 惟令若守

於民莫親 君承萬石 溫溫其仁

於勤於信 政以惠成 辰乎來遲

而不弘均 誰傳循吏 南考斯銘

登仕卽董君 億墓誌銘 嘉泰四年

君諱億字永年吉州永豐人世儒家曾祖諱獎贈少  
師祖諱德元早以學問器量重於鄉晚以庭試魁多  
士被遇 高宗歷院御史貳天官以中大夫參知政  
事以端明殿學士提舉江州太平興國宮徙居城中  
遂為大族考終於家贈通奉大夫父諱克忠承議卽  
通判永州轉朝奉卽致仕君生而聰敏稍長靜重疏  
通年十四喪父永州送終盡禮事母夫人王氏極孝  
謹姊妹四人使皆有歸卽先廬竹林闢觀過齋聚書  
萬卷日延賢師友講貫道藝未嘗泛交別墅在城東

唐益公文集 卷之三十五 六十三  
創潛樂書院時與親賓尊酒論文略無子弟過失嘉  
泰二年十一月十八日以疾逝年總三十有二聞者  
嗟惜妻周氏予堂兄袁州史君諱必達之孫其父繹  
也予遇交恩以親屬奏補登仕郎君方力學起家孰  
謂其止此病棘時手 從事纖悉無遺初為從弟悃  
同學為娶婦成其家至是謂悃戒不幸早孤常恨先  
塋悠邈它日當卜葬近郊二塋子介同一女俱幼宜  
教育之以四年六月壬寅空廬陵縣儒行鄉昭議山  
之原附郭如君志為之銘曰

世祿之家 惟禮克由 性靜者仁

壽胡弗修 百爾所期 一之未酌

天耶人耶 何怨何尤

譚君紹先墓誌銘 嘉泰四年

吉有壯縣曰永新邑人舉大族必曰譚氏或問何如  
其大也親屬盛歟常業厚歟仕官衆歟非也以孝友  
保其家知取予守其業傳詩書允厥宗斯可謂之大  
矣君謂紹先字仲顯世家永新六世祖瓊七上南省  
一經相傳至曾祖華華生傑特奏入官終永州軍事  
推官以承事郎賜緋魚袋致仕贈朝奉郎二子長觀  
光登政和八年進士弟終朝奉郎贈通議大夫次觀

成君之父也君敏秀嗜學繼母携前夫子來君事之  
盡孝又分貲友之人服其義治生勤儉而周急恤貧  
療病葬死始終不倦接物和易處事平允見謂長者  
淳熙乙未茶寇入院君具舟濟人遇棄赤子者悉為  
收養事定歸之脫人於阨却其餉謝率以為常慶元  
丙辰十月十九日終於家享年五十有八後二年四  
月九日葬才德鄉塗山之原娶漢陽大守劉彥登仕  
猶子先十年而沒二子涇湘君在時延名儒教以學  
有聲場屋三女適進士王維翰儒林郎廣南西路經  
畧安撫司幹辦公事周稷進士顏元寶孫男吉孫宜  
老女尚幼昔我先公與朝奉同年登科而其壻稷又  
子同之涇等以保護閣直學士成齋楊公狀來請銘  
其人詞曰

家以仁而昌產以義為常仕以儒有光其三者族  
大矣尚奕世其母忘

從政郎宋君似墓誌銘

嘉泰四年夏

君諱以字仲子姓宋氏上世自睦州徙婺之金華曾  
祖正祖裕贈奉直大夫父有朝奉郎郴州禮部郎官  
呂祖謙伯共誌其一清直君孝謹守家法讀書學文  
年五十三世從父蔭以廸功郎尉徽州婺源境有劇



盜捕獲而辭其賞循修職卽吉州錄事參軍群守治獄任情君日抱按牘齋辨數被摧辱不惧不悔有斷兄足而取其財獄成守導囚聲寃劾君失入刑部直君守滋怒窮治過失無所得終更士夫爭賦詩餞行貧就南銓以從政卽注賀州錄參獄奉淫祠毀之人始駭終服富川縣兩年十易權官君適秩滿郡守錢聞詩辟君為令劫盜繫獄察其誣舍之人也俄獲其盜人以為神後守督民積欠君不可諸右君守疑賣已奏君不催科坐免民泣涕挽留至折車軸得它馬馳去朝士誦其寃君曰吾不可再謁於人請監潭州南嶽廟而歸家居蕭然不累於物病亟手書戒其子強學力行勿惑陰陽之說喪葬稱有無而已麾左右正卧而逝年七十有四嘉泰三年十一月庚寅也娶杜氏劉氏皆前死生四男長九齡季珏早世仲行叔皆進士四女長適蔣端益次適季損之二亡矣孫女尚幼君所至以清白稱為尉却雇夫之金掾曹輸納餐分外凡印鈔例給者一毫不取每罷官囊無餘貲惟喜賦詩積至千餘篇其清修如此并等卜以四年九月甲申葬安女鄉祖塋側遠携故人子呂喬年狀來請名始紹熙甲寅春丁自湘中易師豫章歸廬陵

郡官族謁望君修然鶴立固異其小吳已而來賢是  
宜為銘其銘曰

事親謹而畏涖官剛且毅從所好以求富思於已  
為良貴囂囂其心暨暨其氣幽潛以銘尚生平之  
慰

### 墓表

朝奉大夫致仕孝君迎墓表

慶元三年

河陽濟源多名族顯宦張氏李氏實相甲乙適婚姻  
南渡後祖母秦國張夫人每與李氏子弟篤叙親好  
子於其間敬愛兩人曰隨字可大蘆介謹飭治縣有  
聲而其族弟諱迎字彥將行安節和恬於進取子尤  
重之可大沒五十年彥將下世亦二紀念之不忘也  
彥將之子數求予表先墓乃追紀聞見而考信行也  
狀之說如左李氏胄出唐宗室汜水王 本朝有諱  
感者以儒學起家至君曾祖章繼擢進士第以大常  
少卿致仕贈少師祖百朋中奉大夫致仕贈少傅父  
弼孺右中奉大夫直祕閣致仕贈少師妣姚氏曹氏  
趙氏秦魏楚國夫人君姚出也 欽宗登極祕閣為  
兩浙轉運副使君以捧表恩補將仕郎調婺州都稅  
院發運使檄應辨玉德軍錢糧循從事即故相趙忠

簡公稅鎮豫章辟知靖安縣又從金陵行宮留守為  
準備差遣歷温州軍事推官程邈梁汝嘉閭丘昕號  
吏師皆以侍從出守事多委君程當歲莫移閩師召  
至正月以為章授君乃解印有錄事參軍老而貪已  
授代為嬖吏所持君械繫掠治吏扣頭服罪同僚咨  
美舉員應格改有宣教即知臨安府錢塘縣歲早留  
運河所至民田會金國使至漕臣諭君撤壩通舟君  
固請留其漕怒半捃撫無所得至用前政陳炳科皇  
城博士劾君失政坐是罷起知胡州歸安縣外艱不  
起知婺州金華縣提轄行在雜買務雜賣場郊恩賜  
銀緋求外補充福建路安撫司主管機宜文事再為  
提點鑄錢司主管文字乾道初代還使相洪文惠公  
與君相舊君資歷當為二千石總得通判臨安府朝  
市浩穰非所好也丐易明州浙東總管曾覲以邨恩  
數薦進人才其門如市知君京洛故家屈意願交尋  
還人謂必有裛吉君適秩滿即袖牒往大守丐保  
明奉祠竟主管台州崇道觀歸寓湖州親市鎮肖寺  
中手抄聖賢治心養性之要時時賦詩自樂成百篇  
舊成益像惟肖淳熙改元之六月自提贊百餘言其  
略云三仕三已應緣而止一丘一壑倦游而歸耳目

臯口晝史或得其觀予聞 仁宗朝有大常博士周君居父喪倚廬三年不飲酒食肉言必戚哭必哀喪母癯然盖久而後復當是而歐陽文忠公為作墓表極論古今喪禮之廢推為篤行君子惜乎歲久石本莫傳而京浙閩蜀所刻公集暨書曰某州某縣人三代諱某此猶可也併其人亦曰名某字某如此則其子孫切切顯親之志荒矣亦豈公表於金石垂觀來世之意耶予每歎息於斯文及考之文知其為天聖二年進士然是歲周姓登科者不一莫知孰是又考其官游多歷湖廣而墓在道州之永明竊意為道之賢者也亟求春陵君視之本郡果有周堯鄉字子俞行義與公所書合於是刻之定本使其名字昭昭於無窮予心庶幾焉昔公嘗自云喜傳人事尤愛司馬遷善傳竒偉使人喜讀欲學其作厥後著五代史辭氣遂與遷相上下若子者愛公之文猶公愛遷書也特不能學公文如公之能學遷爾然公猶遠取一它邦之孝子如堯卿者為發明之今彭君近在同郡苟無一言非晞顏色者也乃為紀次不辭君名千里字時學曾祖儒祖君鎮父柵世業儒君四歲而孤每聞儒人周氏語及其父輒號絕久之自是事母盡孝母

年八十於始終如一日蓋於生也致養竭其力死也  
送終及其哀君所謂視膳嘗藥扶持左右負土廬墓  
事亡如存者大抵以為常故宗族儀之強暴化之凡  
傳所載殆出於卿評予亦不得而畧也君醇實寡言  
笑平居於人無睚眦之怨惟喜諸書教子四男光祖  
一之城潭出繼兄後女適劉嘉十孫欽鑰銓鑄鉉鎬  
鎡鏐鐔鎰一女在室君無恙時一之髣髴至於超然  
物外被亦安知其端倪也耶俄遇微疾沐浴端坐而  
逝而歲九月丁未也吊者始悟自贊之意云享年七  
十有二明年正月己酉葬湖之烏程縣三碑鄉金山  
原祕閣墓之左以子升朝累贈中奉大夫妻令人周  
氏永嘉明士周行已恭叔之女恭叔官京師與祕閣  
善君未弱冠風度凝遠能文辭善談論古今以女歸  
之後君十一年年八十三而卒祔君以葬四子結故  
朝奉大夫尚書度支員外郎總領四川財賦軍馬錢  
糧綜早世紱故從政郎平江府司法參軍綺軍為從  
政郎新泰州如臯縣令女二人宣教郎王光達朝散  
大夫新知直州事張頴其壻也孫男七人大成新池  
州青陽縣尉大雅新寧國府大平縣主簿大鈞新高  
郵軍興化縣迪功郎次大有大彙大亮大倫皆幼孫


周益公文集 卷之三十五  
女七人初祕閣之沒君二子當受遺澤其一遜弟之  
子服其義君潔靜通敏有可用之才知己方在朝輒  
違而去之長子持節近甸人以為榮君視之泊如也  
惟榮辱得喪未嘗屑屑膏次故其終神識湛然可以  
窺所蘊矣今諸子惟如皋在即求表君之墓者行狀  
蓋真州之文也慶元三年閏六月日具位周某述

彭孝子 千里 墓表 慶元三年

慶元元年十月癸丑吉州永新縣彭孝子卒卜以三  
年十二月癸酉葬禾山鄉石峯之原邑令張大正為  
之作傳其子一之城哀 踵門復求予一吉予謂人  
之行莫大於孝今既傳而贊之尚何求一之曰節以  
壺惠傳猶謚也不表氏族於墓後嗣奚城鑰相繼舉  
於鄉紹熙甲寅值 慈福宮慶壽恩封邊功即妻顏  
氏亦封孺人君年八十六而終皆積善之報云九月  
十八日具位周某述併書

周益公文集第三十六卷

平園續七十六



墓誌銘六

廣誌附

益國夫人墓誌銘

嘉泰四年二月

亡妻王氏世為平江府崑山縣人曾祖申以學行推  
於鄉王荆公倅舒州奉 詔親滂至即求見迄今手  
刺存焉祖億積善好施贈中散大夫父葆通經能文  
登進士第歷監察御史司封員外郎兼國子業除大  
理少卿知廣德軍漢州師瀘南易池州終浙東提點  
刑獄母宜人莊氏夫人聰敏高潔文工儒業下至書

美無不洞曉然非所好惟以孝友靜順為心十六七  
而祖母史令人耄期卧疾喜怒不常左右莫敢近夫  
人晝夜奉藥餌獨得懽父母奇之年十九歸于我抱  
閨行都月奉微甚夫人樽節有方不見匱乏分教金  
陵寢以成家簿書米鹽躬自料理迨為學官館職相  
與商論古今手抄經史夜則教兒讀書稍倦封席博  
奕或至丙夜紹興末 郊思孺人覃思進安人隆興  
改元予解掖垣歸吉州閑廢七年祠祿滋微夫人虔  
共賓祭承上撫下應酬日多凡予群從諸甥婚嫁樂  
為主盟弗計其費惟朝夕誦歸寧父母之詩聞外舅  
疾星馳省視乾道間予二麟省封恭人淳熙中由入  
坐二府夫人迎外姑與兩無偕來方有應志封碩人  
淑人安康文安咸寧邵三夫人稍按歌撫娛其親又  
之母兄繼亡始忽忽不樂矣既封永齊越鄭周吳六  
國復從予作蜀土則曰均大邦也遇 思勿復請平  
居常言富貴非吾事若得第三間隱居林泉世務不  
入乎耳是吾心也甫年二十二得子喜曰吾責塞矣  
自是相待如賓居家勉予以睦族無競當官則勸盡  
瘁國事勿恤其私予三人承明率坐論事蒼皇去國  
夫人整行李收拾文書纖毫無失蓋規模素定也知



予性慵規以克勤御下太寬欲其有制閨風肅然歲時享家廟酒肴茗果悉經中手中外親賓戚屬輕重待之中禮而為飢飽暄涼為衣食節以是仕不內顧退樂安閑益有賢婦力也稟氣差弱少壯是勞其心力中年後遇天寒輒病去冬卧疾累日亦以為常俄瘳寢食遂薨實嘉泰二年十月十七日享年六十有九一子朝請大夫行大理司直綸也夫人已病念經俸薄手取白金馳介助之孰謂奄忽至此嗚呼痛哉孫男宣義郎顯女五人長許嫁承事郎監嘉興府糴納倉蕭彖餘幼下地在廬陵縣西數里儒林鄉斗岡之原葬用四年三月甲申行實如此無一語款銘曰

嗟我於君

長幾十年

君髮尚鬢

我又皓然

孰云一朝

棄我而先

失此有益

矧伊婦賢

有問誰對

孰舉我偏

芳翰盈筐

遺桂滿前

哀辭寫心

若淚逆泉

豈無明公

運筆如椽

陰幽坤從

他人莫先

謂予不信

皦日在天

太恭人司徒氏墓誌銘

余再直禁林郎居弟在臨安之愈家園每見北來朝士盛言高司農有賢母會司農來卜隣益知其詳先是紹興十一年金虜再和司農之父贈朝議大夫諱

簿去居海州間道居朝上書陳恢復大計秦丞相不  
納後四年追遣隨衆北去憂憤而卒司農年甫十三  
太恭人日夜教育之使毋忘父志十九年冬元顏亮  
戕其至亶朝年嘗都燕山二十九年又治汴京謀南  
侵三十年春東海民徐元張旺史整共起二帥以帛  
書求援於我我守盟約不敢報元等嬰城半年虜師  
水陸夾攻破之誅戮極慘酷徐亮由是益疑我得中  
原心次策入寇起蕃漢兵二十七萬僞人不預焉傲  
唐制分二十七軍明年自將巡洛至汝遣高景三王  
金來求釁太恭人聞之密語諸子汝父常謂虜必敗  
盟今事急矣我守節教汝曹正為今日乃相與自拔  
歸懼陸行不免密與忠義家五十餘人航海而南朝  
廷嘉之司農兄弟皆得補官俄南北高兵魏勝克復  
海州都督府檄司農為州從事奉親還故鄉虜連三  
年攻圍不置司農冒矢石分守東壁屢瀕於殆賴張  
子蓋大破虜師圍乃解隆興二年割棄海泗司農未  
家江南自此被遇 壽皇更中外任使掌褒諭云不  
易卿將母遠來今可以養矣擢守安封軍部使者強  
取郡僚之妾其人訴諸朝當路意有所徇事下守臣  
司農將直之入白太公人曰竄逐非所畏慮貽母憂

崇何太恭人曰吾母子仗義求歸自分必死汝蒙國厚恩為二千石苟能公以報上吾獨不能為范滂母耶司農竟坐徙施州自淮沂江盡歷三夾之嶽太恭人處之怡然秩滿入封上勞之曰鄉母勿復憂遠適留為度支郎官遂二司農淳熙七年夏出師江陵太恭人安享榮養年八十五九年七月二十六日以微疾坐而逝按司徒氏本河北人五代廣順元年禮部侍郎充集賢院學士判院事知貢舉諱翊者太恭人遠祖也後徙海之胸山曾祖恂祖儼父庠母顏氏自幼聰慧過人通儒釋書歸高氏不逮事舅姑傾資送以贍夫族鄉人義之初該德壽典恩封太孺人郊禮封太恭人高君先娶趙氏一生二子大亨故廸功郎秉故將士郎二女適進士陳公輔將仕郎趙堅太恭人惟生司農人見其均一莫知為各母也孫男六人瞻叔豹賜叔夜皆前死今叔獻為修職郎特改差淮南西一路安撫司主管書寫機宜文字叔夏將仕郎孫女八人二蚤天次適進士朱蘧修職郎臨安府仁和縣尉王熙文林郎平江府吳江縣丞趙炳餘在世是歲十二月二十四日葬南康軍星子縣丹桂鄉黃龍山之原司農教來請銘有校書郎項君安世

韋家江陵言太恭人臨終作誦超然死生之際荆人至今稱之余惟婦人隱德閨門非遇事莫顯既顯矣抑而弗揚何以成人之美故為弟初終繫之以銘司務名夔今為朝請大夫右文殿修撰歷典名蕃制置勤海所至有能聲皆母教也有定庵集五卷銘曰

少而鞠子教之忠老則知命全其終此烈士之所難何夫人之能克表而出之可以繼列女而傳無窮矣

太宜人李氏墓誌銘 慶元六年

慶元丁巳正月庚辰故人朝請郎新通判袁州曾光祖卒母太宜人李氏年八十有五入皆憂其悲傷莫能久也戊午冬果卧疾子孫迎醫進藥宜人却之曰命繫于天吾年已高何以藥為十二月己巳振衣而逝諸孫劉家去行實來請銘按宜人世為吉州安福縣人曾祖免祖崇父宗孟俱不仕生數歲從兄弟入小學通經大義未笄嫁同邑曾君嘉謨後曾朝請郎方嫁時一朝請之祖弼妣劉氏父序昌母許氏四親俱無恙宜人恪勤婦道咸得其懽心相繼壽終協贊喪祭禮無違者朝請初用賞補迪功郎賀客滿門宜人獨以不能決科為言既尉衡之常寧庶勤有聞內

助為多生二子光祖字景山光朝字景章擇師友日夜教以學已而皆舉于鄉淳熙乙未光祖遂登第宜人喜謂朝請曰足以伸吾夫婦素志矣朝請晚得末疾宜人悉意家事日治具延賓客以娛樂之如是者累年朝請卒從景山宦遊四方甲辰丙五甲寅歲朝廷連講慶壽禮一賜冠帔三封至太宜人築堂於居第西偏故相京文忠公書壽衍堂於以寵之生朝大集內外親姻元孫百粹嬉戲膝下邑宰率僚佐升堂謁賀易其坊曰椿桂太宜人悅甚告子孫曰汝家獲見五世後遇聖天子以孝治天下有此崇樂盍思所振乎自是良辰美景必載酒游後圃子婦孫曾交起為壽人方羨慕不幸景山不得終養光朝素孝悌力學嘗五上春官對策集英補光州助教版授象州學官至是順適其母者百方迄不起疾後數月亦衰毀卒蓋己未五月辛亥也宜人二女長適修職郎賀州臨賀縣主簿歐陽巖省次適進士劉偉孫男七人鄉貢進士傑早世次他仲次鄉貢進士德次儉介伸與女三人適進士羅王長民迪功郎隆興府新建尉趙帥曾孫男十人子孫將仕郎士邁士然士遵士通士選士途士逢士達士遇士六十六人劉鑑劉

綱王多吉其婿也皆進士餘尚幼元孫洙宜人性雖  
寬和治家則嚴而有法每事責己不求備於人周恤  
困窮畧無吝色鄉黨賢之葬用庚申十二月甲申地  
在縣東新樂鄉桃谿之原而光朝以人生享備福今  
復為名詩以哀之庶幾存沒俱少尉予銘曰

猗夫人之存兮五世言乎其前嗟夫人之老兮遂  
兮棄之而光喟傍觀且巨堪兮柰何慈愛與鍾憐  
縱強壯猶傷生兮矧耄癯之哀年噫有樂則有哀  
兮相舉也其皆然惟有始必有終兮孝不辱而歸  
全嘉夫人之達理兮謂賦命之在天幸孫曾之克  
家兮謹送往以無愆紛萬日其式瞻兮日此壽母  
之新阡揭銘章以示後兮夫人其何憾焉

段夫人墓誌銘 嘉泰四年

嘉泰三年正月癸巳鄉人李畱南之夫人段氏以疾  
終享年六十九四年二月己未葬吉州廬陵縣移風  
坊豐塘之原畱南悲不自勝屬予誌其藏予惟內子  
與夫人同生乙卯亦以去冬謝世予自悲不暇而暇  
紓畱南之悲乎力辭不則可焉之銘夫人諱淨方於  
吉為儒家有兄弟登科歷顯仕者曾祖居簡公祖公  
輔父汝夫人幼失怙恃克自植立端靜明敏女工如

夙習踰笄歸李氏族大而貧夫人竭力成其家姑太  
安人王氏壽百年夫人與饋不懈歲時班白奉其旨  
稱壽太安人每為尺醉因為孝婦至於勤身率下勤  
循法度賓祭乳時雖貧不戒富室侍妯娌致敬撫婢  
妾有恩無妬忌諸子能言即教之誦詩訓以孫弟稍  
長勉全為善彊學平生質直好義不忘笑語常瘠已  
周人之急親族姻戚視其儀則皆以女帥雅之四男  
如圭中童子科特補迪功郎又中進士第今為從事  
郎夔路安撫司主管機宜文字如璋前天如罔如金  
皆早成三女如蘭適鄉貢進士劉泳如英如華尚幼  
孫男二人孫女一人銘曰

父事君姑孝而恭

克相良人正且容

詩書教子華厥宗

石帘日後開新封

菴子植此栢與松

嗟我老諄管豈彤

穗宮適躡灵之蹤

悼怍有弟非無蹤

壙誌

汀州田史君妻宜人尚氏壙誌 慶元三年

宜人尚氏世家相州安陽縣其先多文武顯人朝奉  
郎贈太中大夫諱禁曾祖也國子祭酒諱佐均祖也  
承議郎賜緋魚袋諱大伸父也母儒人周氏實予女

唐文公集 卷之三十六 年  
先聰明孝友友烈丈夫之風年十六歸于承議三年  
而宜人生既長和順勤儉知書達理女兄鍾愛遴擇  
佳婿隆興癸未歸合汀州史君朝奉大夫田豫事姑  
太夫人與事母同而加敬焉承撫內外無間言者初  
以予奏賜冠陂從夫封儒人安人宜人生子多不育  
今惟一男將仕郎壻田氏家南康縣與韜為隣歲常  
往來尚氏居於廬陵兩邦雞犬相聞宜人友愛弟妹  
猶以為遠慶元改元仲弟振美承韜之瑞金攝屬外  
塋宜人携其子過故居親之會得疾尽屏外事泰然  
而卒八辛酉也享年五十八汀州失內助追悼功至  
而大夫人每於親族言失吾賢婦未嘗不涕下也先  
是汀州皇考御史葵縣東十五里芙蓉鄉良山之原  
卜三年六月庚申祭宜人之柩附先塋五十步間謁  
予以文予自哭女兄今三十有二年間與甥遇必側  
于心奄其己以悲不能文姑為記歲月以寫老懷以  
釋汀州之思云

村女壻誌

平園老叟周某孫女村娘以淳熙壬寅十月二十四  
日生于樞府父綸今於朝請大夫行大理司直母宜  
人劉氏村女端靜通敏喜讀書甫歲子罷相已能佐



祖母益國王夫人治行李氏皆異之年十三以紹熙  
甲寅五月二日病没于吉州舊居東山堂權殯功得  
寺祖父母父母悼念不忘嘉泰癸亥冬益國夫人薨  
卜以甲子三月甲申葬廬陵縣儒林鄉斗岡之原前  
十二日舉村女之柩瘞冢傍位而誌之

